

摘藻堂四庫全書薈要

集部

欽定四庫全書薈要

聖祖仁皇帝御製文集卷十一目錄

勅諭

諭大學士勒德洪明珠李蔚杜立德馮溥

諭翰林院掌院學士庫勒納等

諭侍郎宜昌阿

諭兵部

諭盛京將軍安褚護

諭吏部

諭三法司

諭翰林院

諭吏部都察院

諭都察院

諭大學士明珠

諭大學士明珠

諭戶部

諭戶部

諭大學士勒德洪明珠李霽馮溥學士噶爾圖
希福格爾古德李光地張玉書

諭戶部

諭禮部

諭侍講高士奇

諭兵部

諭吏兵二部

諭戶部

諭戶部

諭大學士勒德洪明珠

諭禮部

諭戶部尚書伊桑阿侍郎額庫禮

諭禮部

諭吏兵二部

諭禮部

諭奉天將軍安褚護

欽定四庫全書

皇朝文獻通考卷十一目錄

欽定四庫全書蒼要卷一萬二千九百九十三

集部

聖祖仁皇帝御製文集卷十一

勅諭

諭大學士勒德洪明珠李蔚杜立德馮溥

朕萬幾餘暇留心經史時取古人墨蹟臨摹雖好慕不
哀未窺其堂與歲月既深偶成卷軸卿等佐理勤勞朝
夕問對因思古之君臣美惡皆可相勸故以平日所書
者賜卿方將勉所未逮非謂書法已工也卿等其知朕

意康熙十九年六月二十七日

諭翰林院掌院學士庫勒納等

卿等日侍講筵夙夜匪懈啓沃之暇每以朕書為請朕
萬幾餘閒時取古人墨蹟臨摹雖好慕不哀實未窺其
堂奧何可示人卿等既為文學侍從之臣即有成就德
業之責故因所請輒以頒賜朕意其悉之康熙十九年
六月二十七日

諭侍郎宜昌阿

爾等所行事宜俱各得當甚為嘉悅朕意所及數事特行
密諭一尚之信雖經犯法伊等妻子不可令卑賤小人凌
辱應查明嚴禁遣人護送來京一廣東所有大市小市之
利經藩下諸人霸占者無算可會同巡撫詳察應歸百姓
者題明仍歸百姓則廣東人民得霑無窮之惠矣一聞藩
下所屬私市私稅每歲所獲銀兩不下數百萬當盡充國
賦以濟軍需一各省商販人等欲藉藩下行勢投入者甚
多皆須查明應斷出者即行斷出其不應斷出者宜盡行

遣發來京勿致逃亡隱漏一尚之信等所有銀兩盡行
查明用充軍餉已有諭旨務須詳行稽查毋致有遺漏
侵尅等弊康熙十九年八月三十日

諭兵部

目今四方悉已蕩平惟滇黔餘孽尚未殄滅前經會議
各路官兵俱於八月內進剿茲師期已屆士馬飽騰正
宜分路並進奮勇長驅掃除殘寇以靖地方爾部作速
傳諭湖南四川廣西大將軍將軍督撫提鎮等官整搦

兵馬星馳進剿勿得借端推諉耽延時日有逗留不前者即行重處又聞各處綠旗兵丁將帥不恤軍士令其為滿洲大兵蓋房割草餵馬及私行役使恣意虐害以致兵丁苦累如桑格標兵潛逃一千有餘皆由於此不思為將者與士卒甘苦相同加意愛養方可責其用命今固恤卒伍惟便私圖貽誤軍機深為可惡爾部即通加嚴飭以後有仍蹈前轍者即行察叅從重治罪特諭

康熙十九年閏八月初九日

論盛京將軍安褚護

自古身任封疆節鉞重臣不避小人疑忌惟計有益於國有利於民耳為君者視其事之可否折衷而行之未嘗偏執意見過寬過猛也凡事不一有創始則難行之久而乃定者有自始至終不可變易者有現行似乎未便而日後稱便者有目前行之雖善久而弊生者固不可執一而論也據爾奏疏所稱請發嚴旨將爾原議欲行鹽引乃又不能禁戢兵丁以致搶掠衆怨沸騰未經

陳奏等處一併聲明從重處分等語朕旨昭如日星設無明白實據所係匪輕今若如爾等所請遂有議處之旨是無實據何以服人又疏陳凡關鹽法諸犯盡行赦宥領引諸商盡行革除被搶諸物交與盛京刑部酌量令其賠補則遼東諸人咸戴皇恩如天如日等語但差往大臣察審將竣是非當有定論正水落石出黑白分明之時矣無故遽改前旨恐衆意以為法令更張厭苦煩擾致生疑惑難與遵行將軍所奏雖是此事結案在

邇不便更有諭旨茲因將軍密陳故不逐款批答擇其要者將大意手草密諭康熙十九年九月初六日

諭吏部

言官職司耳目必學識優長練達政務乃克勝任近以科臣孫纘條奏行取考選應加考試因將現任科道各官俱行親試觀其才品以昭澄叙姚締虞王曰溫李迥條奏詳明可稱言職并張鵬等俱著留任其益加勉勵殫心職業以副任用傅廷俊和鹽鼎孫纘才識庸常不

稱言職俱著降三級調用不准以加級紀錄抵銷爾部
即遵諭行特諭康熙十九年十月二十日

諭三法司

帝王以德化民以刑弼教莫不敬慎庶獄刑期無刑故
讞決之司所關最重必聽斷明允擬議持平乃能使民
無冤抑可幾刑措之風近覽法司章奏議決重犯甚為
繁多愚民無知身陷法網或由教化未敷或為饑寒所
迫以致習俗日偷愆不畏法每念及此深為憫惻在外

督撫臬司及問刑各官審理重案有律例未諳定擬失當草率完結者有膠執成見改竄供招深文羅織者有偏私索詐受囑徇情顛倒是非者有一於此民枉何由得伸以後著嚴加申飭內外大小問刑各衙門洗心滌慮持廉秉公凡問理刑名務期原情準法協於至當不得故縱市恩亦不得苛刻失入痛改積習加意祥刑以副朕尚德好生欽恤民命至意特諭康熙二十年正月

二十八日

諭翰林院

日講官敷陳經史日侍顧問贊襄典學職務繁多宜廣其員以彰右文之治見在滿官足用漢官尚宜增添著即開列應用各員職名具奏康熙二十年正月二十八日

諭吏部都察院

國家設官分職各有專司必勤勵辦事乃克勝任近見各衙門官員有虛糜俸祿懶惰不上衙門者有老疾孱

弱不能任事者應分別勤惰以示勸懲堂上官員爾等
開列具奏所屬官員會同各該堂官分別議奏康熙二
十年正月二十八日

諭都察院

祭祀以承上下神祇理宜敬慎近見陪祭各官跡涉慢
易班行不整笑語自如殊失執事有恪之道爾衙門職
在察劾未見指名參奏所司何事其嚴飭之康熙二十
年正月二十八日

諭大學士明珠

太皇太后駕幸湯泉願養甚宜起居萬安朕體佳善扈
從諸臣亦皆安好聞在京新滿洲患病者多朕在內時
賜醫調理常奏速愈今者無人照看此後上三旗新滿
洲有抱病者爾須不時詢問即傳旨令在內良醫調治
便中時將患病與全愈之人明白奏聞爾身佳否為此
特諭康熙二十年四月初五日

諭大學士明珠

朕聞京城左右亢旱農事堪憂爾可傳諭禮部著行祈
雨再傳諭內務府總管噶祿照前祈雨例於西山等處
虔行致禱朕體甚佳皇長子亦安爾近佳否為此特諭
康熙二十年四月二十二日

諭戶部

比年以來宣府大同疊罹饑饉而邊外蒙古亦復凶荒
故發宣大存貯米石盡用賑濟朕思邊境糧儲所關最
要古稱九年六年之蓄蓋合侯甸藩畿通為之計豈僅

謂公廩之充盈已也養人足食道貴變通可發京倉米
二十萬石前運宣大備用其運送米石用就近地方驛
站車夫不致糜費爾部核議具奏康熙二十年五月初
十日

諭戶部

宣府太原大同等處近罹災傷人民困苦所徵房號銀
兩應與除免爾部議奏康熙二十年五月十二日

諭大學士勒德洪明珠李蔚馮溥學士噶爾圖希

金
卷十一
福格爾古德李光地張玉書

聞蘇尼忒人所有米糧止能支至六月應預運米或數
千石或萬石送至宣府備用其運送米石著用兵部馬
車并大內以下八分公以上酌捐車輛大臣等亦捐車
輛速運爾衙門會同戶兵二部議奏康熙二十年五月
二十五日

諭戶部

前因大同等處地方自去歲饑荒百姓無食流離失所

已經發銀二十萬兩遣官賑濟又將應徵房稅悉與豁免務期小民家室復完不失故業今復差官各處察看閭閻尚多逃亡田土仍然荒棄耕種無資衣食奚賴朕心深為憫惻所有本年應徵地丁各項正賦并歷年帶徵拖欠錢糧盡行蠲免但小民困苦已極猶恐無濟目前此外有何應行事宜可以速拯災黎俾得存活者爾部即行詳議具奏以副朕軫恤百姓至意特諭康熙二十年五月二十七日

諭禮部

奉聖夫人朴氏保育

先皇恭勤克著護朕冲幼淑惠彌昭提抱之殷靡間於夙夜思勤之篤久歷夫歲時朕眷念前勞已錫封典茲聞奄逝軫悼良深應得恩卹宜從優厚爾部即詳察定例具奏特諭康熙二十年六月十五日

諭侍講高士奇

爾在內以來勤慎盡誠夙夜匪懈近日聞爾偶得暑病

朕甚憫之每日問醫方知少痊茲特遣內使往視并賜
願養之資爾當安慰自怡省思慮專精神輔以醫藥可
也特諭康熙二十年六月二十七日

諭兵部

在外武職官員有未經從逆効力行間勤勞日久者枕
戈卧甲躬冒矢石建立功績雖經叙錄加銜加級但不
能即補實缺仍留該標投閒置散虛糜歲月或赴部候
補又因無缺守候遲延資斧匱乏俱深可憫此等軍前

卷十一
効力之人應令本身赴部驗明原劄即行推補其作何
錄用爾部確議具奏特諭康熙二十年七月十七日

諭吏兵二部

大同地方連年旱荒百姓困苦以致流離失所就食他
方因而田地荒蕪生計不遂今已屢行賑濟蠲免各項
錢糧又聞雨澤霑足秋成有望但饑饉之後安養生全
必須廉能官吏方克加意招徠留心撫字見任府州縣
衛所等官貪劣不職者照常叅處外其才具平常者該

撫酌量更調本省簡僻之缺仍於通省見任官員內選
擇清廉愛民者調補大同所屬地方若果撫循有能戶
口充實田地開墾著有成效該撫特行舉薦該部從優
叙錄以副朕獎勵循良愛養百姓至意爾等即遵諭行
特諭康熙二十年七月二十二日

諭戶部

積貯為國家大計歲運漕米充實京倉最為緊要旗丁
人等輓運勤勞宜加存恤朕頃巡行近畿至通惠河一

帶見南來漕艘旗甲人丁資用艱難生計窘迫深為可憫若不預為籌畫恐其苦累難支以致沿途遲滯貽誤倉儲所關匪細前以軍需浩繁漕運額設錢糧節經裁減今應作何酌復款項爾部詳議具奏特諭康熙二十一年九月二十日

諭戶部

頃者朕巡行近畿至霸州地方見其田畝窪下多遭水患小民生計無資何以供納正賦其該州見在被淹田

地應徵本年錢糧著察明酌量蠲免以示朕勤恤民隱
至意爾部即遵諭行特諭康熙二十年九月二十日

諭大學士勒德洪明珠

漕運遲速關京庾盈詘國用之本也今年糧船稽滯逾
期勢必守凍明歲漕運恐致後時朕思臨清德州見有
倉座欲將後幫米石分貯彼地速令空船南回明年著
用山東河南船隻發所貯臨德諸倉之米轉運抵通庶
今年漕艘得以早歸而明歲輓輸可無貽誤爾等同戶

部及倉場侍郎會議具奏康熙二十年九月二十日

諭禮部

古帝王敦重倫常推恩勲戚生則被以顯榮沒則必存
優卹歷稽前代舊典昭然今仁孝皇后之父領侍衛內
大臣公噶布喇替纓世裔宣力累朝恭謹持身忠勤奉
職忽聞奄逝深軫朕懷應作何恩卹著察例從優議奏
特諭康熙二十年九月二十二日

諭戶部尚書伊桑阿侍郎額庫禮

今歲漕船必致守凍運船旗丁悉係南人既貧苦可念
又北地寒冷非其所習應作何處置不致有饑寒之累
爾部議奏康熙二十年十月初七日

諭禮部

朕恭奉

聖祖母太皇太后慈諭自古帝王慎簡淑德備秩宮闈
以襄內政歷稽往制典禮攸隆貴妃佟氏溫惠端良壺
儀茂著今進封為皇貴妃鈕祜盧氏恭和淑慧令範克

昭今冊封為貴妃惠嬪納喇氏宜嬪郭羅洛氏德嬪吳
雅氏榮嬪馬佳氏秉質柔嘉恪勤內職今進封惠嬪為
惠妃宜嬪為宜妃德嬪為德妃榮嬪為榮妃爾部即選
擇吉期開列儀注具奏特諭康熙二十年十月二十五
日

諭吏兵二部

總督哈占蔡毓榮統領官兵進剿逆賊直抵雲貴地方
著有勞績其所革原官俱准復還爾部即遵諭行特諭

康熙二十年十一月初七日

諭禮部

逆賊吳三桂背恩反叛煽亂地方罪惡貫盈已服冥殛
逆孽世璠敗遁雲南竊據省城今大將軍貝子章泰等
遵奉成命統兵進剿世璠窘迫自刎逆黨咸伏厥辜偽
官軍民人等草心來歸疆域大定念數年以來大兵征
勦士卒勞頓轉運糧餉民生困苦今逋寇既已蕩平兵
民得以休息此皆仰荷

天地

祖宗眷佑已命行

告祭禮仍應布告中外與民更始以昭維新之化爾部
即擇吉具儀來奏特諭康熙二十年十二月初五日

諭奉天將軍安褚護

今雲南等處俱已底定海寓清平告祭

天地

太廟

社稷畢即於

陵寢行告祭禮盛京者

祖宗開創根本重地朕時思念不忘今值天下宴安意
欲躬詣

山陵告祭前幸盛京時未至

永陵致奠迄今尚歎於懷茲若果往當身歷其處仰瞻
祖宗發祥舊址爾可密遣副都統穆泰暨賢能官員將
所行塗程與駐蹕及應行之處自興京通烏喇徑路詳

看繪圖於同往章京內擇通曉者一員來奏恐踏看未
周不能詳記道里山川也因無定期未行明示若俟定
後商酌恐不及矣故爾密諭將軍身體佳否康熙二十
年十二月初八日

聖祖仁皇帝御製文集卷十一

欽定四庫全書蒼要

聖祖仁皇帝御製文集卷十二目錄

勅諭

諭大學士勒德洪明珠李蔚學士格爾古德阿
蘭泰石柱王守才張玉書

諭大學士勒德洪明珠李蔚馮溥尚書伊桑阿
郭四海左都御史徐元文侍郎李天馥杜臻
學士噶爾圖格爾古德阿蘭泰石柱王守才

李光地張玉書

諭議政王大臣

諭大學士杜立德

諭禮部

諭將軍安褚護

諭烏喇將軍巴海等

諭學士張英

諭裕親王福全

諭蘇大敦柱

諭戶刑二部

諭裕親王福全

諭裕親王福全

諭敦柱蘇大

諭刑部

諭戶兵工三部

欽定四庫全書

八
卷十二目錄

欽定四庫全書蒼要卷一萬二千九百九十四

集部

聖祖仁皇帝御製文集卷十二

勅諭

諭大學士勒德洪明珠李蔚學士格爾古德阿蘭
泰石柱王守才張玉書

賞罰乃國家之大柄忠逆實臣節之大防從古帝王敷
治戡亂未有忠不賞而逆不罰者但其中情有輕重故
法有寬嚴必功罪分明予奪精確始稱允協前總兵官

王永清身膺重任甘心從賊及大兵抵滇圍困省城為日甚久猶不歸順乃與夏國相隨在奔竄迨計無復之始來投誠故拏禁其子封其家產今文武官員見在雲南仍不投順者可察出如王永清之例一併封拏其應作何結案曾經議政王等議俟雲南省城克復之後再議今議此案時應將從賊受職歸順後未經定議官員品秩稍大者通行察出具奏其從賊官員前已歸順曾經奉旨從寬免罪者不必槩行察議此內有原為大吏

覲顏從逆又受偽職者名節棄滅玷人臣之誼若輩不合仍令居官應俱革任著議奏儻其間有効力真確功績甚著之人應酌量留任仍於各名下明白開注勞績見在候缺者俱停其錄用至明歲以後文武各官舉行大計軍政凡屬從賊受職歸順者俟督撫提鎮開造計冊到日吏兵二部應行察明罷黜著議政王貝勒大臣會議具奏康熙二十年十二月初九日

諭大學士勒德洪明珠李蔚馮溥尚書伊桑阿郭

四海左都御史徐元文侍郎李天馥杜臻學士噶爾
圖格爾古德阿蘭泰石柱王守才李光地張玉書

頃九卿等以逆首既除四方底定奏請上朕尊號朕自
御極以來日夜孜孜以乂安生民為念乃逆賊吳三桂
一倡變亂遂至塗炭八年當吳三桂初叛時散布偽劄
煽惑人心各省兵民相率背叛此皆德澤素未孚洽吏
治不能剔釐所致幸賴

上天眷佑

祖宗威靈滿洲兵士之力逆渠授首奸黨悉除地方平靖獨念數年之中水旱頻仍災異疊見師旅疲於征調被創者未起閭閻敝於轉運困苦者未甦且因軍興不給裁減官員俸祿及各項錢糧並增加各項銀兩仍未復舊每一軫念甚歎於懷若大小臣工人人廉潔俾生民得所風俗淳厚教化振興天下共享太平之福雖不上朕尊號令名實多如一切政治不能修舉則上尊號何益朕斷不受此虛名也朕自幼讀書覽古人君行事

始終一轍者甚少嘗以為戒惟恐幾務或曠鮮克有終
 以故宵衣旰食祁寒盛暑不敢少間偶有違和亦勉出
 聽斷或中夜有機宜奏報未嘗不披衣而起朕非不知
 燕息自怡蓋所愛不在一身總為天下生靈計政事務
 求當理官職務在得人期於家給人足百姓樂業而已
 今吏鮮潔清之效民無康阜之休君臣之間全無功績
 可紀儻復上朕尊號加爾等官秩則徒有負媿何尊榮
 之有至於

太皇太后

皇太后加上徽號詔赦天下理所宜然其上朕尊號之事斷不可行乃朕實意非粉飾之辭也自今以往大小臣工宜各洗心滌慮砥節厲行休養蒼黎培復元氣爾等可向九卿各官悉諭朕意不必再行陳請康熙二十年十二月十四日

諭議政王大臣

頃九卿等以逆首既除四方底定奏請上朕尊號朕思

曩平南王尚可喜奏請回籍時折出票簽面議圖海言
斷不可遷移朕以三藩俱握兵柄恐日久滋蔓馴致不
測故決意撤回下議政王大臣九卿等官會議時未有
言不可撤者皆以遵旨宜撤議奏朕意已定遂命遷移
不圖吳三桂背恩反叛天下騷動偽檄一傳在在響應
八年之間兵疲民困幸荷

上天眷佑

祖宗福庇逆賊遂爾蕩平儻復再延數年將若之何爾

時惟有莫洛米思漢明珠蘇拜塞克德等言應遷移其餘並未明言遷移吳三桂必致反叛向議此事之人至今尚多試言當日曾有謂吳三桂必反者否及吳三桂叛後各處擾亂多有退而非毀謂此事皆因遷移所致此等情事朕俱洞悉若彼時朕諉過於人將議應撤三藩者悉置於法諸人豈不死於非命耶朕素性不諉過臣下即今部院事務如有錯誤朕亦自任未嘗歸咎於人朕自少時以三藩勢熾日滋不可不撤豈因吳三桂

反叛遂諉過於人耶賴

天地

祖宗之靈勦滅逆賊方為此言儻逆賊不滅其過豈不
盡歸朕身今雖賊亂削平地方寧靜而民困未甦瘡痍
未起君臣宜各脩省恤兵養民布宣教化務以廉潔為
本共致太平若遂以為功德崇上尊稱濫邀恩賚是可
耻也康熙二十年十二月十四日

諭大學士杜立德

卿弼亮老臣久任機密端醇恪恭勤慎素著茲海宇蕩
平時當令序內殿賜宴廷臣念卿卧疾不克同此歡讌
特遣中使慰問賜以醴餼卿其加餐珍攝以副朕惓惓
至意特諭康熙二十一年正月十四日

諭禮部

比年以來逆賊吳三桂背恩反叛擾亂地方仰荷
祖宗在天之靈默垂庇佑克奏蕩平應躬詣
山陵展祭以告成功前初聞捷音即謁

孝陵行禮茲奉

太皇太后慈諭

太祖

太宗山陵亦應親往祭告隨命議政王貝勒大臣等會議僉謂事關大典允宜舉行今擬即謁

太祖

太宗山陵虔申昭告用展孝思應行事宜及需用各項著各該衙門速行備辦爾部即遵諭行特諭康熙二十

一年正月十七日

諭將軍安褚護

詳覽爾奏所言雖是但今雲南蕩平告成功之大典不便延遲中止朕與廷臣公同酌議於二月十五日啓行已有定期此外別旨俱口諭齎奏官員矣康熙二十一年二月初二日

諭烏喇將軍巴海等

今以雲南等處底定躬詣盛京告祭

三陵意欲於扈從人等餽養馬匹之暇觀看烏喇地方將軍應從何處帶領兵丁候迎可與盛京將軍定議行之再產鱒鯉等魚之處爾即詢明烏喇西特庫會同將須用諸物悉加備辦完整為此特諭康熙二十一年二月十一日

諭學士張英

爾素性醇樸侍從有年朝夕講筵恪恭盡職茲因爾父未葬具疏請假朕念人子至情忠孝皆出一理准假南

還特賜白金五百兩表裏二十疋既旌爾之勤勞兼資
墓田之用爾其欽悉朕惓惓至意特諭康熙二十一年
二月十四日

諭裕親王福全

相別以來忽復兼旬棣萼之思時在寤寐初四日已抵
盛京山川形勢風土民情深維

祖宗開創之艱難令人遠想慨然春氣漸佳知意興甚
適也特此佈問不宣康熙二十一年三月初五日

諭蘇大敦柱

茲上

太皇太后奏啓為叨陳微衷仰祈

睿鑒事內云自山海關至盛京水土皆佳獸多魚鮮每當食頃輒念不能馳奉

太皇太后甚歎於懷到盛京後身親網獲鯉魚鱗魚設法成段浸以羊脂者一種鹽醃者一種星馳遞送心期兩件奉到之日儻得味仍鮮美庶可稍見微誠山中野

燒自落榛實及山核桃朝鮮所進柿餅松子白果栗子
附候

安奏啓同往等語所進之物可同奏啓一併送至

慈寧宮其銀瓶中所貯之魚到日鮮否明白奏知若

太皇太后欲寄製成棗脯即實之餅中封固付來為此
特諭康熙二十一年三月初八日

諭戶刑二部

朕承

祖宗丕緒撫御區宇日以子育元元為念自逆賊吳三桂倡亂滇南多方煽動軍興八載中外騷仰賴

祖宗在天之靈默垂眷佑殄滅兇渠民生乂安疆圉底定爰特行徧祀

山陵之禮用告成功茲恭詣

福陵

昭陵謁祭禮竣惟盛京為國家肇基重地朕躬親幸宜沛大澤以示殊恩山海關以外及寧古塔等處地方官

吏軍民人等除十惡等真正死罪不赦外其餘已結未
結一切死罪俱著減等發落軍流徒杖等犯悉准赦免
奉天錦州二府屬康熙二十一年地丁正項錢糧著通
行蠲豁其官役墊補包賠等項應追銀兩察果家產盡
絕亦并豁免稱朕加惠根本優恤黎民至意特諭康熙
二十一年三月初八日

諭裕親王福全

頃覽來奏具悉念朕之懷茲者告祭事畢巡行疆土兼

講春蒐正當草淺獸肥弓燥手柔之時且地多豺虎麋鹿此樂惜不與王共之也近狀想佳特此諮詢康熙二十一年三月十七日

諭裕親王福全

別來未幾麥氣迎秋荏苒流光良增思念每閱來疏足慰朕懷茲東巡典禮事事已畢經過之處無不喜見昇平二十日自盛京回鑾會面可期佈問不宣康熙二十一年四月二十二日

諭敦柱蘇大

朕至渾河太子河遼河三河合流之處地名牛莊河水
泛漲乘舟渡河扈從諸人以次待渡因暇舉網所得鱧
魚五尾島子魚六尾鯉魚四尾鱗魚四尾鱖魚三十二
尾鴨嘴魚六尾重脣魚二尾中魚三尾杆條魚一尾共
六十三尾欲遣人賫往恐日久味變故著驛遞馳送爾
二人將魚進

太皇太后兼奏明此意有何

慈諭併此魚到去新鮮與否於隨常奏啓內詳細奏來
為此特諭康熙二十一年四月二十三日

諭刑部

頃以逆賊殲滅海宇蕩平朕躬詣盛京展謁

永陵

福陵

昭陵以告成功因而巡行邊塞諮詢民間疾苦東至烏
喇地方見其風氣嚴寒由內地發遣安插人犯水土不

習難以資生念此輩雖干憲典但既經免死原欲令其
生全若仍投畀窮荒終歸踣斃殊非法外寬宥之初念
朕心深為不忍以後免死減等人犯俱著發往尚陽堡
安插其應發尚陽堡人犯改發遼陽安插至於反叛案
內應流人犯仍發烏喇地方令其當差不必與新披甲
之人為奴以昭朕軫恤民隱哀矜保全之意爾部即遵
諭行特諭康熙二十一年五月初九日

諭戶兵工三部

從前盛京看守

陵寢及山海關等城守章京員缺俱令其子弟頂補後
停止此例悉由京師補授項朕以昭告成功展謁

永陵

福陵

昭陵因周視所歷地方見道里遼遠往返艱難若章京
員缺盡從京師補授則家口遷移重為貧窶者之累且
將前任章京房屋田地掣給新補之員以致前官孤孀

無倚不能回京如欲即留彼地則田廬既空資生何策
困苦日甚深用憫然嗣後盛京看守

陵寢及山海關等處城守章京員缺不必自京補授著
於伊等子弟內令該將軍選擇賢能者具題引見頂補
以免其往返遷移之苦儻伊等子弟無人堪用別有補
授發往之員可另撥田房給與其前任章京田房仍行
留給不必掣出令其孤孀得所爾三部會同詳議具奏
特諭康熙二十一年五月初十日



聖祖仁皇帝御製文集卷十二



總校官庶吉士臣侍朝

校對官庶吉士臣陳墉

校對官檢討臣王福清

謄錄監生臣浦煊

謄錄監生臣衛子忠

欽定四庫全書薈要

集部

聖祖仁皇帝御製文集卷十

三五

詳校官原任編修臣徐立綱

欽定四庫全書薈要

聖祖仁皇帝御製文集卷十三目錄

勅諭

諭將軍巴海副都統薩布蘇瓦里虎等

諭大學士勒德洪明珠李蔚王熙學士噶爾圖

石柱張玉書

諭部院諸臣

諭戶部



諭刑部

諭吏部

諭戶部尚書梁清標侍郎李天馥

諭兵部

諭議政王貝勒大臣內閣九卿詹事科道

諭禮部

諭兵部

諭禮部

諭部院大臣

諭朝覲各官

諭刑部

諭大學士勒德洪明珠李蔚王熙黃機吳正治
學士薩海阿蘭泰石柱王守才金汝祥胡簡
敬孫在豐

諭刑部

欽定四庫全書蒼要卷一萬二千九百九十五

集部

聖祖仁皇帝御製文集卷十三

勅諭

諭將軍巴海副都統薩布蘇瓦里虎等

朕幸吉林地方訪詢民隱見兵丁役重差繁勞苦至極此等情由回鑾之日將軍以下至於兵丁教諭大意已有特旨朕自至京師復為思繹不將各種無益差徭顯與革除兵丁人等終無裨補且不得霑實惠矣一鷹鷂

窩雛於三月尋覓四月內捕取最妨農事兼屬無益況所得鷹鷂不諳呼飼難至京師徒勞人力應行停止一自八月放鷹原欲令之熟習以便齎送數年以來並無名鷹貢至京師在烏喇地方兵丁於冬寒之時尋覓山雞人馬勞頓應行停止一圍獵以講武事必不可廢亦不可無時冬月行大圍臘底行年圍春夏則看馬之肥瘠酌量行圍令貧人採取禽獸皮肉須預先傳明日期以便遵行所獲禽獸均行分給圍獵不整肅者照例懲治不可時加責罰苛

求瓊屑遇有猛獸須小心防禦以人為重勿致悞有所傷
一打鱒鯉等魚既有專管西特庫等烏喇兵丁應停差役
其搬移新滿洲採取造房并船隻桅木等項及偵探巡邏
等差俱係軍務乃駐防官兵專責不可寬假應照常行此
外偶爾差遣大臣侍衛督看採取東珠砍伐木植尋覓鷹
鷂不涉每歲定例所行之事似無過勞此後將軍以下撥
什庫以上應念兵丁遠居邊境無市貿易身冒嚴寒往採
山木妻子汲水操作備極艱辛時加憐憫吉林烏喇田地

米糧甚為緊要農事有悞關係非細宜勸勉之使勤耕
種朕軫念滿洲人民生理欲遣人專往以驛遞疲弊故
因筆帖式來奏特諭康熙二十一年五月十九日

諭大學士勒德洪明珠李蔚王熙學士噶爾圖石

柱張玉書

朕觀部院衙門大小官員俱分班啓奏甚或一部份作
數班朕與爾等皆每日曉起部院官員分數班啓奏殊
非上下一體勵精圖治之意嗣後滿漢大小官員除有

事故外凡遇啓奏事宜俱著一同啓奏都察院衙門及科道官員無逐日啓奏本章著每日黎明齊集午門如滿漢部院官員有怠惰規避者即行察叅又大小各衙門滿漢官員雖該衙門無啓奏事宜亦著每日同啓奏官員黎明齊集午門俟啓奏事畢同散有怠惰規避不於黎明齊集者亦著都察院及科道官員察出參奏康熙二十一年五月二十九日

諭部院諸臣

朕因天氣炎熱特奉

兩宮避暑瀛臺今幸天下少安四方無事然每日侵晨御門聽政未嘗暫輟卿等各勤職掌時來啓奏曾記宋史所載賜諸臣於後苑賞花釣魚傳為美談今於橋畔懸設罾網以待卿等遊釣可於奏事之暇各就水次舉網得魚隨其大小多寡攜歸邸舍以見朕一體燕適之意誰謂東方曼倩割肉之事不可見於今日也特諭康熙二十一年六月初三日

諭戶部

漕運關係國儲理應早登倉庾向因經營各官及旗丁人等怠緩遷延每致遲悞故嚴定處分之例以警積玩但定例過嚴期限迫促經營文武大小各官及旗丁人等不無苦累爾部會同吏兵二部將見行之例再加詳酌定議務期不悞漕運不病官民寬嚴適中永可遵守以副朕軫恤至意特諭康熙二十一年六月十二日

諭刑部

時已季夏雨澤愆期邇來亢旱益甚農事堪憂朕思天人一理感格之道必有未孚且刑獄或有淹滯寬抑之氣最能上干

天和內外大小問刑各衙門審讞案件恐有聽斷不公曲直顛倒以及草率怠忽任意遲延致無辜之人久羈犴狴爾部即通行申飭今後問刑各官凡應速結事情即為歸結勿得借端稽緩苦累平民務期虛公明允詳慎得情以副朕欽恤刑獄感名休祥至意特諭康熙二

十一年六月十四日

諭吏部

圖治首在安民勸善莫先懲惡必咨詢廉訪責有專官而後民隱得以上聞奸頑為之斂戢近聞直省各地方多有紳衿勢要土棍豪強及旗下兇惡人員并莊頭等縱暴恣行武斷鄉曲有司畏威而不敢問大吏徇隱而不能糾非特遣大臣巡察難以祛除積弊直隸為畿輔重地尤當首先澄清今應遣大臣一員前往會同該撫

巡歷地方有勢要豪強旗人莊頭大為民害者廉訪真
實惡蹟指名題參重加懲處以警奸徒用安良善副朕
移風易俗愛養民生至意應遣大臣爾部即開列具奏
特諭康熙二十一年七月初四日

諭戶部尚書梁清標侍郎李天馥

運丁輸輓糧儲備極艱苦朕時在念浙省運丁錢糧有
未經全復者今應否全復著議奏康熙二十一年七月
二十八日

諭兵部

近因逆賊蕩平四方底定將經制之外增設綠旗兵丁
議令裁汰於二年內陸續報完原以寬恤民力救寧地
方今思各處兵丁多有隨征進剿効力行間綿歷歲時
備嘗艱苦事平回汎若漫無分別一槩裁汰深為可憫
著該督撫提鎮等官於裁汰之時詳加察閱不得混留
私人反將曾經効力兵丁輒行裁退至於已裁兵丁及
投誠歸農人等恐有無籍可歸艱於生計者著各該地

方官設法安插善加撫輯務俾有以資生母致流離失
所擾累平民爾部即通行申飭經營文武大小官員實
心奉行殫力料理以副朕恤兵愛民至意特諭康熙二
十一年七月二十九日

諭議政王貝勒大臣內閣九卿詹事科道

傳諭王進寶趙良棟前逆賊竊據漢中四川等處地方
悉力固守在外領兵諸將咸以恢復為難目特遣學士
希福馳往傳諭從來漢將所轄地方猝有變亂即用漢

兵勘定原無待借力於滿兵之事爾等皆封疆大臣久
歷戎行應各率所隸部曲將士相機進取時趙良棟即
首先倡議應行恢復隨允良棟議刻期進剿於是爾等
同往克取漢中王進寶自蘭州失守遂率兵乘筏渡河
恢復取蘭州鞏昌等處剿禦賊寇所向奏功及同取漢中
之後意見不合嫌隙漸生遂爾分路進兵趙良棟直取
成都王進寶恢復保寧若成都下則雖攻保寧未易
即拔若保寧未克則雖下成都難以固守勢必復退是

爾等二人功績俱著封疆使能公爾忘私和衷共濟即
統士卒乘勝長驅則滇黔賊寇可以計日殄滅何復遷
延歲月遲至一二年之久耶且爾等既克四川賊衆膽
落遂悉其精銳入川抗拒雖中路空虛大兵得乘機進
取沅州鎮遠貴陽等處而川中賊勢復張已恢之疆土
幾致再陷此皆由爾等不能和衷之所致也爾等賦性
鹵莽不諳大體各懷私忿互相攻訐屢疏求勝交圖陷
害朕當爾等訐奏之初即已洞悉情事念爾等功績並

茂惟欲保全絕無深究之意且一切投誠人員有免其
前罪者有仍加錄用者况爾等建功之臣耶今爾等俱
至京師如欲治罪何難逮問重處但朕意終以曲全為
念特將爾等互訐章奏俱行發還槩不究問其遲於救
援失陷地方關係軍機等事者仍照例察議此非為爾
等二人調解朕深惟國家大體務欲保護勞臣用全終
始故茲申諭自今以往爾等其洗心滌慮各改前愆消
釋私嫌共矢忠盡以副朕優待功臣至意康熙二十一

年九月初一日

諭禮部

古帝王敦崇孝治恩篤懿親生則被以寵榮歿則優加
追卹歷稽往牒典例攸存

孝康慈和莊懿恭惠崇天育聖章皇后之母誥贈一等
公佟圖賴妻誥封一等公妻一品夫人覺羅氏毓秀名
門作儼巨室誕育

皇妣行慶弘長奄逝遽聞朕心深為軫悼應作何恩卹

著察例從優議奏特諭康熙二十一年十一月十八日

諭兵部

國家撫定寰區削平逆亂必資將士之力我

太祖

太宗訓誥戎兵申嚴紀律信賞必罰懲勸維彰其時行
間將帥爭自奮勵所向奏功後因歷年既久奉行少寬
人情不無怠弛朕御極以來恪守

祖宗成憲每於戎政兵機加意整飭自逆賊叛亂各路

將帥統兵征剿行間功罪屢經奏報朕念我國家軍法自昔嚴明稽核殿最務從詳確頒詔旨炳如日星今逆賊殄滅武功告成振旅班師正分別功罪昭示懲勸之時因思軍法固不可寬功罪自宜相抵必酌量重輕情法允協庶俾羣心悅服激厲將來凱旋大兵將帥內現在應議者有直抵雲南建立功績人員應詳察功過准其相抵雖未至雲南果立有大功亦應准抵其未至雲南及並無大功者仍照軍法處分著議政王貝勒大

臣會同確議具奏爾部即遵諭行特諭康熙二十一年十二月初九日

諭禮部

農事為民生之本必雨雪以時庶春耕不悞秋成可期今歲入冬以來尚未降雪愆陽日久時序失宜田畝曠乾恐妨明年東作應虔行祈禱爾部即照例作速舉行特諭康熙二十一年十二月十四日

諭部院大臣

從來君臣之分雖甚尊嚴上下之情貴相浹洽嘗觀唐宋盛時堂廉不隔以成交泰之治卿等朝夕勤勞出入奏對朕心時切嘉念今將內廐馬匹及滇中新到馬匹擇其馴良易於控御者頒賜卿等兼以內紵卿等其各承受示朕優念之懷康熙二十二年正月十三日

諭朝覲各官

爾等各有職掌關係國計民生自宜實心辦理如奏銷錢糧採買米石借端浮冒希圖侵尅審理刑獄顛倒是

非稽延歲月致累平民皆因爾等因循怠玩積弊未除
嗣後俱應潔已奉公殫心盡職諸凡公務俱照在內各
衙門事例勤慎料理著實遵行乃副朕察吏安民之意
爾等若謂道途遙遠所行弊端未必盡知仍沿陋習漫
無省改憲典具存決不姑貸爾等悉知欽哉康熙二十
二年二月初九日

諭刑部

國家設立問刑衙門期於明罰勅法弼教化民必審鞠

精詳讞決平允而後民情悅服冤抑畢伸近見爾部審
理大小事件每多草率因循瞻徇舛錯全無振刷省改
如聽訟之時兩造是非自應分別定案因意有偏私往
往不問曲直勒令和息或逼撤原狀含糊完結以致奸
頑倖免良善含冤又如入官財物奉差籍沒官員不能
廉潔自持據實冊報乃恣意侵盜竟飽私囊貪黷成風
愍不畏罪殊非人臣奉公守法之誼至於審事官員膠
執已見聽斷不公或更改口詞圖遂私意或恐喝犯証

不令直供或妄肆株連稽延月日或怠玩疎忽苟且告竣此等弊端種種難以枚舉嗣後堂司各官俱著洗心滌慮痛改前非一切刑名事務必令情法允協無枉無縱恪遵法紀持廉秉公以副委任之意特諭康熙二十二年三月二十二日

諭戶部

黔省為滇南孔道地瘠民貧大兵凱旋輓輸芻糗供應人夫極其浩繁且起解吳逆家口駱驛運送不無苦累

恐小民竭力供億生計艱難朕心深為憫惻所有本年
秋冬及來年春夏應徵地丁正項錢糧盡行蠲免以示
朕勤恤民隱至意爾部即遵諭行特諭康熙二十二年
四月初九日

諭大學士勒德洪明珠李蔚王熙黃機吳正治學
士薩海阿蘭泰石柱王守才金汝祥胡簡敬孫在
豐

朝廷優卹臣工賜以碑祭之文必使當其實行毋得恣

意抑揚撰擬之人親戚同鄉悉宜迴避所進刑部侍郎
葉方藹祭文著另行撰擬一併奏覽康熙二十二年六
月初八日

諭刑部

人命關係重大凡現審人犯自應早取口供速行完結
庶不致無辜久禁囹圄淹滯斃命其中有應行詳審及
等候質對者或暫行監候或羈禁各門該管官員亦當
嚴加稽察不時照管毋令獄卒及守門人等借端需索

恣行凌虐且各犯雖有應得之罪若未死於法先死於
獄既非憲典亦干天和朕心尤為不忍向來在外各衙
門審理人犯或係監斃或在路物故凡一起內至三人
以上者定有處分之例今思內外刑獄事屬一體嗣後
在內各衙門及各門監禁人犯一起致斃幾人以上者
作何處分著九卿詹事科道會同詳議定例具
奏爾部即遵諭行特諭康熙二十二年閏六月

二十日

聖祖仁皇帝御製文集卷十三

欽定四庫全書薈要

聖祖仁皇帝御製文集卷十四目錄

勅諭

諭戶兵二部

諭吏兵二部

諭吏部

諭刑部

諭戶部

諭戶部

諭九卿詹事科道

諭大學士勒德洪明珠王熙吳正治宋德宜學
士席柱喇巴克馬爾圖圖納席爾達牛鈕金
汝祥吳興祖王鴻緒范承勳

諭大學士勒德洪等

諭戶部

諭大學士明珠王熙

諭大學士明珠

諭大學士明珠王熙

諭大學士明珠尚書介山

諭大學士明珠總督王新命

諭江南江西總督江蘇巡撫

諭吏部尚書伊桑阿

諭江南大小諸臣

欽定四庫全書薈要卷一萬二千九百九十六集部

聖祖仁皇帝御製文集卷十四

勅諭

諭戶兵二部

海洋險遠風濤不測自有明以來賊寇盤踞島嶼出沒靡常為害已久本朝平定閩省逆賊鄭成功竄伏海島侵擾沿海一帶地方雖屢經剿殺未盡根株逆孽遁踞臺灣蠢爾游魂尚恣窺伺自滇黔底定賊寇殄除獨茲

海外鯨鯢猶梗王化必須用兵撲滅掃蕩逆氛庶海隅
安全民生樂業特命施琅為水師提督統領舟師并飭
該督調度會商相機征剿今克取澎湖已扼險要臺灣
逆穴指日殲滅立見廓清凡進剿軍前所需兵餉米折
應用器械及修理船隻預備物料各項錢糧所關甚為
緊要應差部院堂官一員前往會同督撫速為料理不
拘何項錢糧儘現在者准其動用毋致貽悞其同施琅
進剿官員兵丁著照進剿雲貴事例俱著從優加級賞

賚以示朕鼓勵將士優恤兵丁至意應差堂官職名開列具奏爾二部即遵諭行特諭康熙二十二年七月十四日

諭吏兵二部

向來海寇竄踞臺灣出沒島嶼窺伺內地擾害生民雖屢經剿撫餘孽猶存沿海地方烽烟時警邇者滇黔底定逆賊削平惟海外一隅尚梗王化爰以進剿方略咨詢廷議咸謂海洋險遠風濤莫測長驅制勝難計萬全

朕念海氛不靖則沿海兵民弗獲休息特簡施琅為福
建水師提督前往相度機宜整兵征進該提督忠勇性
成韜鈴夙裕兼能洞悉海外形勢力任尅期可奏蕩平
遂訓練水師整頓戰艦揚帆冒險直抵澎湖鏖戰力攻
大敗賊衆克取要地立奏膚功餘衆潰遁臺灣懾服兵
威乞降請命已經納土登岸聽候安插自明朝以來逋
誅積寇始克殄除瀕海遠疆自茲寧謐此皆該提督矢
心報國大展壯猷籌畫周詳布置允當建茲偉伐宜需

殊恩施琅著加授靖海將軍封為靖海侯世襲罔替以
示酬庸前進剿雲南官員曾各加一級兵丁賞賚一次
頃因該提督所統官兵出海進剿勤勞堪念已經照雲
南例加級賞賚復思官兵遠抵海疆冒險剿寇非滇黔
陸地用兵可比在事官員著再各加一級兵丁再賞一
次以示特加優渥至意爾二部即遵諭行特諭康熙二
十二年九月初十日

諭吏部

朕夙夜孜孜勤求治理務期紀綱整肅吏治澄清庶績咸熙民生樂業以幾邳隆之化部院衙門事務屢加申飭近皆修舉職業勉力清釐惟在外直隸各省督撫等衙門積習相沿未盡整飭一切事務不能恪恭勤勵實心辦理督撫為地方大臣果能潔已率屬公正無私則大法小廉交相儆惕吏治自當振興閭閻克臻康阜且糾劾官員關係激勸必莅任既久賢否洞知方可據實指參貪劣知儆向來督撫有入境即行糾參者既未夙

悉官評止據下屬揭報即行題參則所劾未盡得實徒為具文塞責果係真知灼見自當不時指參何必拘定遲速又廣西四川地處邊疆選補官員赴任每多遲悞懸缺久待料理乏人著九卿詹事科道會同詳議具奏特諭康熙二十二年十月二十六日

諭刑部

明罰勅法民命攸關必讞決精詳案無留滯而後聽斷得情民免株累向因刑部等衙門事務審理遲延屢加

申飭今積案已完宿弊漸革惟在外直隸各省督撫等衙門因循積習怠忽稽遲一切刑名案件有經年不結者有數年不結者或因承審官員不能恪秉虛公安招定案每多草率含糊希圖苟且完結以致上官屢行批駁沉案積久不清或因上官意有偏徇借端頻行駁審因而營求滋弊顛倒是非冤抑無辜莫由申訴此等情弊皆由聽斷不公完結不速牽連淹滯苦累小民今應作何立法俾在外各衙門痛改積習永絕弊源訟簡刑

清克稱平允著九卿詹事科道會同詳議具奏特諭康熙二十二年十月二十六日

諭戶部

陝西西安甘肅等處前當大兵進剿之時轉輸糧糗辦運芻茭一應軍需取給閭里小民由陸路供億勞費繁多今既經蕩平朕心時切軫念康熙二十三年應徵地丁各項錢糧著與蠲免三分之一以昭朕矜念民生勞苦之意又山西崞縣忻州定襄五臺代州振武衛新經

地震被災頗重雖經遣官賑濟仍應量行加恩以示軫恤其被壓身亾民人所有康熙二十三年應徵地丁錢糧著與全免其房舍倒塌力不能修者丁銀全免地畝錢糧著免十分之四爾部速行該地方官曉諭小民務俾各霑實惠如有司官役借端朦混私行重徵者或經參奏或經告發將經管各官從重治罪爾部即遵諭行特諭康熙二十二年十二月十七日

諭戶部

民為邦本必年穀順成家給人足乃愜朕撫育羣生之意比者巡行近畿見閭閻生計僅支日用乃米價漸貴民食維艱又聞河南地方年歲荒歉所在苦饑小民無以資生恐致流移失所朕心深切軫念直隸應作何平糴及勸諭捐輸河南應行緩徵併鼓勵捐輸設法賑濟等項事宜著九卿詹事科道會同確議具奏特諭康熙二十三年三月十七日

諭九卿詹事科道

御史衛執蒲奏請御門聽政或以五日或以二三日為期其意蓋欲君臣之間政事餘暇稍得休息也朕自躬親庶政宵旰弗遑念致治之道務在精勤勵始圖終勿宜有間二十餘年以來於凡用人行政事無鉅細罔不殫心籌畫早夜孜孜有如一日郊

廟禋享必躬執祀事間有不親詣之時皆甚非得已至於內殿齋居幾微悉謹左右摯御咸所稔知在朕未明求衣辨色視朝日與大小臣工率作省成用熙庶績近

念爾諸臣奏事勞苦少展御門晷刻俾得從容入奏非
圖便安邇年海宇敕寧政事漸簡頃復諭部院事務應
得歸併者酌量合奏期於簡要清省從此民生日康刑
清政肅部院章奏當不期省而自省若必預定三日五
日以為奏事常期非朕始終勵精之意也其本內事情
著內閣翰林院會同九卿詹事科道詳議具奏康熙二
十三年五月十一日

諭大學士勒德洪明珠王熙吳正治宋德宜學士

席柱喇巴克馬爾圖圖納席爾達牛鈕金汝祥吳
興祖王鴻緒范承勳

凡有給過陣亡身價及致祭銀兩後因事故扣追者至
陞遷之間停止之俸并所裁缺汰兵餉其中情事蒙混
多端錢糧出入動關國計自應極其明確以杜隱冒重
支之弊著交與吏戶兵三部確議具奏康熙二十三年
八月二十三日

諭大學士勒德洪等

向令開海貿易謂於粵閩邊海民生有益若此二省民
用充阜財貨流通各省俱有裨益且出海貿易非貧民
所能富商大賈貿遷有無薄徵其稅不致累民可充粵
閩兵餉以免腹裏省分轉輸協濟之勞腹裏省分錢糧
有餘小民又獲安養故令開海貿易今若照伊爾格圖
等所呈給與各關定例欵項於橋道渡口等處概行徵
稅何以異於原無稅課之地反增設一關科斂乎此事
恐致擾害民生爾等傳諭九卿詹事科道會議具奏康

熙二十三年九月初一日

諭戶部

朕軫念蒼生勤求治理邇年以來於畿輔郡縣時行歷覽補助兼施今俯允廷議諏吉東巡正欲體察民情周知吏治一應沿途供用皆令在京所司儲備無缺毫不取之民間猶恐地方官役不能悉體朕懷借端支應妄行濫取今特加申飭如有悖旨私征一經發覺定行從重治罪更念朕此番巡歷原以俯恤編氓問俗觀風於

閭閻休戚務期洞曉凡經過地方百姓須各安生業照常寧處毋得遷移遠避反滋擾累爾部即行令該地方官於府州縣城市邨莊窮鄉僻壤大張告示徧行曉諭務令通知以副朕惠愛元元之至意特諭康熙二十三年九月二十日

諭大學士明珠王熙

朕夙夜孜孜勤求治理深宮寧處軫念閭閻諷吉時巡省觀民隱經行所至登於泰山至聖遺蹤緬然可覩一

覽衆山臨眺九有洵足攬天下之勝察造化之竒遂援
筆濡毫書成普照乾坤四字可於孔子小天下處建亭
懸額復書雲峰二字可於極頂處磨崖勒石其本年泰
山香稅免解該部用以鳩工庀材虔修泰山頂上各廟
應行事宜爾會同該撫確議具奏康熙二十三年十月
十一日

諭大學士明珠

三冬時令嚴寒窮苦小民恐其無以資生餬口故於五

城地方各支銀米設厰煮粥散給貧窮戶口原係朝廷
撫恤小民之意今奉行日久經管各官視為具文虛應
故事以致貧民嗷嗷待哺罔獲宿飽其令部院即嚴飭
巡城御史及司坊官員必令親視散給毋得假手胥役
侵漁虛冒務俾小民均霑實惠部院堂官仍不時稽察
如有故違者題參治罪以副朕愛養窮黎至意其令戶
部都察院實心奉行康熙二十三年十月十六日

諭大學士明珠王熙

明太祖一代開創令主功德並隆朕巡省方域將及江寧鍾山之麓陵寢斯在朕優遇前代况於其君實賢可祀之如禮內閣禮部太常寺會議具奏康熙二十三年十月二十五日

諭大學士明珠尚書介山

明太祖陵已遣官致祭但朕既抵江寧距陵非遠欲至其處親為拜奠具議以聞康熙二十三年十一月初二日

諭大學士明珠總督王新命

明太祖陵寢歷經年世幸本朝加意護守鬱然無恙朕躬詣奠祭典數優崇今車駕將旋圖善其後爾等可傳諭守陵太監及陵戶朝夕敬慎巡視罔輟灑掃維勤毋令附近民人旗丁恣行蹂踐其在陵守視人等特加賞賚以示恩恤彰勸厲焉特諭康熙二十三年十一月初二日

諭江南江西總督江蘇巡撫

明太祖天資英武敷政仁明芟刈羣雄混一區宇肇造
基業功德並隆其陵寢在鍾山之麓係江寧所屬地方
向已有旨令有司各官春秋致祭嚴禁樵採并設有守
陵人戶朝夕巡視但為日已久不無廢弛今朕省方江
寧親詣拜奠見墻垣傾圯林木凋殘皆係無知民人不
遵約束恣肆作踐往來行走殊違法紀嗣後爾等督令
地方各官不時巡察務俾守陵人役用心防護勿致附
近旗丁居民仍前踐蹋所有春秋二祭亦必虔潔舉行

以副朕崇重古帝王陵寢至意特諭康熙二十三年十
一月初三日

諭吏部尚書伊桑阿

朕車駕南巡省民疾苦路經高郵寶應等處見民廬舍
田疇被水淹沒朕心深為軫念詢問其故具悉梗概高
寶等處湖水下流原有海口以年久沙淤遂致壅塞今
將入海故道濬治疏通可免水患自是往還每念及此
不忍於懷此一方生靈必圖拯濟安全咸使得所始稱

朕意爾同工部尚書薩木哈往被水災州縣逐一詳勘
期於旬日內覆奏務期濟民除患總有經費在所不惜
爾等體朕至意速行康熙二十三年十一月初四日

諭江南大小諸臣

朕向聞江南財賦之地今觀市鎮通衢似覺充盈其鄉
邨之饒人情之樸不及北方皆因粉飾奢華所致爾等
身為大小有司當潔已愛民奉公守法激濁揚清體恤
民隱以副朕望老安少懷之至意康熙二十三年十一

月初四日



聖祖仁皇帝御製文集卷十四

欽定四庫全書薈要

聖祖仁皇帝御製文集卷十五目錄

奏書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

奏

太皇太后書

欽定四庫全書薈要卷一萬二千九百九十七集部

聖祖仁皇帝御製文集卷十五

奏書

奏

太皇太后書

謹奏

聖祖母太皇太后

臣躬詣

陵寢暫別

庭闈叨蒙

庇佑一路安善可慰

聖懷因此恭請

萬安臣引領

殿陛不勝瞻切之至謹具

奏

聞康熙二十一年二月二十日

奏

太皇太后書

謹奏

聖祖母太皇太后臣自東行以來於二十三日已出山海關恐煩

垂念特此

奏知謹請

聖躬萬安曷勝懸想之至謹具

奏

聞康熙二十一年二月二十四日

奏

太皇太后書

謹奏

聖祖母太皇太后 臣睽離

訓誨思念日增戀戀之心須臾不能忘也日前請候起居定蒙

慈鑒再此恭請

萬安曷朕嚮往之至謹具

奏

聞康熙二十一年二月三十日

奏

太皇太后書

謹奏

聖祖母太皇太后臣於初四日至

盛京謁

陵已畢祭告之事次第舉行

盛京風土淳厚仰見

祖

宗創立鴻基庇蔭子孫不淺也專此遣人恭請

萬安未盡縷縷之懷謹具

奏

聞康熙二十一年三月初五日

奏

太皇太后書

謹奏

聖祖母太皇太后臣於初五日遣人回京陳述愚款必蒙

聖覽今者

福陵

昭陵告祭方畢擬初九日率領諸王大臣往謁

永陵為此恭請

萬安謹具

奏

聞康熙二十一年三月初八日

奏

太皇太后書

奏為切陳微衷仰祈

睿鑒事臣自山海關至盛京水土皆佳獸多魚鮮每當

食頃輒念不能馳奉

太皇太后聖祖母甚歎於懷到盛京後身親網獲鱧魚
鱗魚設法成段浸以羊脂者一種鹽醃者一種星馳遞
送心期奉到之日儻得味仍鮮美庶可稍見微誠山中
野燒自落榛實及山核桃朝鮮所進柿餅松子白果栗
子附候

安奏啓同往伏乞

俯賜一笑不勝欣幸康熙二十一年三月初八日

奏

太皇太后書

謹奏

聖祖母太皇太后臣初九日自

盛京啓行十一日詣

永陵告祭環視地形山迴水繞佳氣鬱蔥真是興王基業也茲因大典已畢敬想

祖宗開疆非易臣至此甚難故欲躬率諸王貝勒大臣蒙古等周行邊境親加撫綏兼以畋獵講武俟所至何

處再當具奏端此恭請

萬安謹具

奏

聞康熙二十一年三月十三日

奏

太皇太后書

謹奏

聖祖母太皇太后十三日曾有牋奏奉達

慈聽巡狩東行皆平山巨澤日間行五六十里今至柳
條邊地方專此恭請

萬安謹具

奏

聞康熙二十一年三月十七日

奏

太皇太后書

謹奏

聖祖母太皇太后臣雖屢有章奏言未盡意京師地暖
時屆春深遙知

聖體康和

聖情嘉悅臣心殊為欣慰也專此恭請

萬安謹具

奏

聞康熙二十一年三月二十日

奏

太皇太后書

謹奏

聖祖母太皇太后

臣屢蒙

溫諭緩行深加慰勞頃者所歷邊境頗近烏喇二十五日已至其處因思長白山乃

祖宗發祥重地臣叨繼大統不能躬行祭祀故於烏喇地方遙拜名山以展望祀之典暫停一二日即可回

盛京矣所有愚款另遣人陳奏先此恭請

萬安謹具

奏

聞康熙二十一年三月二十六日

奏

太皇太后書

謹奏

聖祖母太皇太后臣於二十六日曾將情節詳行陳奏

外烏喇等處地方於二十六二十七又經大雨道路

甚是泥濘河渠水漲渡橋盡行衝決一二人尚可行走
行營人衆跋涉殊屬艱難故臣與諸臣共同商議少延
數日俟水勢稍掣即當速回總不越八十日之限也為
此恭請

萬安一併

奏明康熙二十一年四月初一日

奏

太皇太后書

謹奏

聖祖母太皇太后臣自到烏喇之後連值陰雨諸處未
得巡行今亦不便久稽當即勉強登程矣特遣人恭請
萬安兼進江魚統冀

慈鑒謹具

奏

聞康熙二十一年四月初五日

奏

太皇太后書

謹奏

聖祖母太皇太后昨初七日稍得晴霽即從烏喇啓行
專此恭請

萬安兼慰

慈念謹具

奏

聞康熙二十一年四月初八日

奏

太皇太后書

謹奏

聖祖母太皇太后自初七日以來天氣雖晴河水未下
橋梁難成道路尚多泥淖今已勉強行至中途矣專此
恭請

萬安一併陳述謹具

奏

聞康熙二十一年四月十一日

奏

太皇太后書

謹奏

聖祖母太皇太后臣途中情形前已具奏不再陳述茲

特恭請

萬安謹具

奏

聞康熙二十一年四月十五日

奏

太皇太后書

謹奏

聖祖母太皇太后臣於十六日回至

盛京矣自謁

陵望祀長白山以來經過之處軍民人等無不懽欣鼓舞喜見太平皆仰賴

聖祖母鴻庥福庇所致也專此恭請

萬安謹具

奏

聞康熙二十一年四月十八日

奏

太皇太后書

謹奏

聖祖母太皇太后臣於四月二十日已從

盛京啓行茲因恭請

萬安之便謹具

奏

聞康熙二十一年四月二十二日

奏

太皇太后書

謹奏

聖祖母太皇太后捧讀

教諭深蒙

慈念感戴無涯每聞

聖祉康和臣心殊為欣忭茲特恭請

萬安謹具

奏

聞康熙二十一年四月二十六日

奏

太皇太后書

謹奏

聖祖母太皇太后

臣久別

庭闈急欲望見

聖顏四月三十日進山海關五月初一日留皇太子同

大營按程緩行

臣當先詣

宮闕恭請

萬安初四五之間必可到都喜

慈雲之日近奉

教誨之有期專此謹具

奏

聞康熙二十一年四月三十日

奏

太皇太后書

臣於十九日至五臺

菩薩頂目覩地方官吏督率工匠鑿山開石修除道路
皆極敬謹民役甚勞又詳看長城嶺迤東雖係崎嶇偏

仄尚可用小肩輿勉強登陟至長城嶺尤為難行高可
二十餘里皆屬峭險其陡崖不可下視今雖就原徑修
砌稍寬儻登陟萬有不虞臣何以當之伏冀

太皇太后聖祖母睿鑒愚悃仍詢太監趙守寶定奪實
為至幸

鑿駕既已到此臣豈不欲

太皇太后聖祖母至


菩薩頂瞻禮但極危至險之處不行奏明為孫者不能

即安也曷勝悚惕待

命之至康熙二十二年九月二十日



聖祖仁皇帝御製文集卷十五



總校官庶吉士臣侍朝

校對官檢討臣王福清

膳錄監生臣衛子忠

膳錄舉人臣勵守訓